



**Quæstionum Canonicarum, In Quinque Libros  
Decretalium, Tomus ...**

In Librum I. Decretalium, Per quadraginta, & tres Titulos distributum, in  
quo agitur De Constitutionibus, Seu Legibus universim ...

**Krimer, Ferdinand**

**Augustæ Vindelicorum, 1706**

Articulus VII. Qualiter cesset potestas Arbitri?

---

[urn:nbn:de:hbz:466:1-73031](#)

ipsas dixerint, filias quidem exheredare deberet, uxorem verò à se removere) super hoc consultus Innoc. III. respondit juramentum Quintavallis licitum fuisse, sed mandatum mulierum illicitum, ac proinde ipsis injungendum esse; ut revo- cent mandatum; alioquin denuntian- dum, quòd Quintavallis ad mandati ejus observationem non teneatur. Secunda verò pars de sententia Arbitratoris constat ex L. Societatem 76. §. Arbitrorum ff. pro Socio. Ex dicto c. Quintavallis colliges, compromitti posse pro satisfactione injuriæ in partem læsam, quòd standum sit ejus arbitrio, modò non mandet illicita; nam arbitrium, aut mandatum, præstandi illicita, seu quæ honestè observari non possunt, est ipso jure nullum, nec ullam obligationem parit. Ratio sumitur ex c. Veniens 16. de jurejur. ubi talis casus propositus, & ab Innoc. III. sic resolutus est: A. verbis contendat, cum M. pluribus vicissim illatis convitijs, & cùm exinde gravis inimicitia orta esset, quidam se pacis constituendæ causâ interponentes sug- gesserunt A. ut pro satisfactione, Veneto- rum Civium quorundam mandato se obe- diturum juraret, quod ipse fecit ex con- fidentia, seu bona fiducia, ratus non se a- liquid commisisse, ob quod grave quid- piam imponendum sibi esset: sed Cives illi præcepérunt A., ut Ducis Veneti Cu- riā nunquam intraret, nisi cùm om- nes per generale edictum ad Curiam vo- carentur. Verū A., qui Ducis Consi- liarius erat, & multarum Ecclesiarum Advocatus, quibus ipse in judicio patroci- nium præstare obligabatur, tale juramen- tum nunquam edidisset, si ejusmodi man- datum suæ obligationi contrarium suspi- catus esset.

Hac re cognitâ Innoc. III. mandavit Patriarchæ Grandensi, si posterius istud juramentum priori licetè edito cognōrit esse contrarium, ut Apostolica auctoritate declareret, non servandum esse.

2768. Præter hæc not. 1. à Judice reductionis, qui ut Vir bonus arbitratus est, sive appro- bando laudum Arbitratoris, licetè appelle- lari, quia pronuntians super causa redu- ctionis est verè Judex ordinarius, ut di- catum est; ab hoc autem rectè appellatur, & peti potest usque ad 30. annos; Gail. I. obser. 150. à n. 2. Reductio autem

Tom. I.

petenda est coram Judice ordinario non Arbitratoris, sed eo, coram quo alias agen- dum fuisset, si compromissum factum non esset.

Not. 2. quòd, quando in aliqua cau- sa compromittitur in Clericum, & Laicum simul, & eorum laudum petitur reduci ad arbitrium boni Viri, verius sit, adeun- dum esse Episcopum, Judicem Clerici, & non ad Judicem Laici, juxta Barb. h. t. in c. 9. n. 5. quamvis aliud dicendum esse censeat de appellatione, cùm res est pro- fana. Not. 3. Reductionem à dato arbitrio ad arbitrium boni Viri peti posse non tantum intra decem dies, sed tringinta annos à dato arbitrio; nam jus petendi reductionem ad arbitrium boni Viri, est personale, quod non præscribitur nisi 30. annis, L. sicut C. de præscript. 30. vel 40. annorum V. n. 2793.

Dices: L. penult. C. h. t. statuitur tem- pus decem dierum ad reclamandum à sen- tentia Arbitri; & cum distinctione ad re- clamandum à sententia Arbitri electi ex compromisso C. à sententia arbitratois, N. nam de illo; non autem isto, loquitur lex citata. Ita Gail. I. 1. obser. 150. n. 2. Ma- ranta p. 6. ad appellat. à num. 112.

2769.

## ARTICULUS VII.

*Qualiter cesset potestas Arbitri?*

R Esp. potestatem Arbitri cessare 1. ipsius morte; vel etiam unius, re ad- huc integra, si plures sint electi, per num. 2759. ut colligitur ex L. 35. ff. de Rescri- ptis, qui arbitrium; & c. Uno 42. de offic. deleg. ubi dicitur: si unus ex Judicibus de- legatis, vel Arbitris vitâ excederit, etiam aliorum officium expirat: nisi in delega- tione, vel compromisso clausula adjecta sit, si non ambo, aut si non omnes &c. vel res non amplius sit integra (ut supra di- catum est) sed judicium agitari cœptum: tum enim unius morte non extinguitur jurisdictio aliorum, cit. c. licet, & notat gloss. hic verb. delegatorum. Tertiò, si unus alteri vices suas commiserit, illo mortuo jurisdictio manet, etiamsi res in- tegra sit c. quamvis, 6. h. t. Quartò, si de- legatio facta sit intuitu dignitatis: quia morte delegati non extinguitur; sed ad successorem transit c. quoniam, 14. h. t.

2770.

Nn nn 2

Hoc

Hoc amplia, ut doctrina tradita procedat, si alter Judicium judicandi potestate privatus sit, ut quia infamis redditus est juris infamiâ, ut colligitur ex c. *sciscitatus*, 14. de *rescript.* & docet gloss. *cit.* vel si ob crimen à dignitate, quam habet, per sententiam depositus, sicuti dixi *in cit.* c. *quoniam*, & c. *licet*. Secundò potestas Arbitri cessat morte alterutrius compromittentium; nisi in compromesso utrinque facta sit mentio hæredum per c. *ex parte*, 10. h. t. Nam cùm Canonici Ecclesiæ S. Cuniberti in discordia elegissent, alij quidem Henricum de Juliaco, alij verò Conradum de Lombardia: duo isti curáront compromissum fieri in Archiepisc. Coloniensem: Is causæ meritis diligenter auditis, ac perspectis, diem partibus designavit ad sententiam definitivam ferendam. Interea autem moritur Henricus; quo auditio Archiepiscopus prohibuit Canonicis, ne pendente suâ sententiâ, ad aliam electionem procederent: sed aliqui non obtemperantes Beatum Canonicum Coloniensem elegerunt. Igitur cùm die constituto in præsentia partium compromittentium sententia ferri deberet, Beatus ille electus venit, & allegavit ulterius procedendum non esse; cùm per Henrici mortem compromissum finitum fuerit. Super hac re consultus Honorius III. respondit; tametsi compromissum morte Henrici finitum fuerit, tamen de prioris electionis meritis cognosci priùs oportuisse, quām procederetur ad secundam: quandoquidem, si Conrado superstiti jus comperat ex electione, satis constat, posteriorem penitus non valere.

**2771.** Tertio, finito tempore, ad quod Arbitr̄ constitutus est, L. 1. C. de *Recept. arbitr.* quartò, finitâ causâ, & latâ sententiâ, L. 19. cum seq. de *Recept. arbitr.* c. 11. h. t. Nam, cùm inter Episcopos Beltrensem, & Beltyenensem ex una parte, & Cives Tervisinos ex altera controversia esset super districtu, & quibusdam alijs rebus, ea per Episcopum Hostiensem Apostolicæ Sedis Legatum terminata fuit. Sed postea alijs exinde ortis discordijs, partes compromiserunt in Ducem Venetorum, obsidibus ab utraque parte datis: Sed & Papa Honorius III. eidem Duci per literas mandavit, ut partes componere curaret. Sed cùm Dux à Legato antea latam sen-

tentiam immutare ausus esset, rescriptit Honorius; intentionis suæ non fuisse, ei committere, ut controversias latâ per Legatum sententiâ sopitas revocaret: quare mandavit quibusdam à se delegatis, ut non obstantibus prioribus literis suis, quæcunque per Duci arbitrium adversus Legati sententiam decreta esse invenerint, in irritum revocent, ac directè prohibeant Ducī, ne ulterius in compromesso procedat, eundemque ad restitutionem obsidum, quos ad compromissi observationem stabiliendam acceperat, per censuram Ecclesiasticam compellant. Præter hæc:

**2772.** Quæres 1. si Praelatus, aut Rector Ecclesiæ super ejus juribus compromisit, utrum per ejus mortem extinguitur compromissum, si arbitrium nondum latum sit: Resp. cum Abbe hic n. 9. si compromissum sit super re, aut jure Ecclesiæ, de quo Rector ejus, seu Beneficiarius solus disponere potest alienando, transfigendo, compromittendo, tunc extinguitur compromissum; quippe cùm de rebus Ecclesiæ disponere non possit ultra tempus vite suæ, uti dictum est in c. *Veniens* 8. de *transact.* Sin autem super juribus Ecclesiæ, de quibus solus Praelatus disponere non potest, compromissum factum est cum debita solennitate, videlicet interveniente consensu Capituli, & Superioris &c. tum non extingui per mortem Praelati: cùm ipse non fuerit principalis compromittens; sed minister tantum compromittentis Ecclesiæ.

**2773.** Quæres 2. an, quod hic dictum est de Arbitris, etiam procedat de Arbitratoribus: affirmativè respondet Abbas in c. 42. de *offic. delegat.* n. 4. quia generali Arbitrorum appellatione etiam Arbitratores comprehenduntur, uti constat ex L. *Societatem* 76. Q. *Arbitrorum*, ff. pro *socio*. Quare regulam hic tradit Abbas: quod jura facientia mentionem de Arbitris, etiam ad Arbitratores referri debeant, nisi ratio diversitatis appareat. Verū si per Arbitratorem intelligamus, qui jus partibus non dicit, sed amicabiliter eas componit, eum nomine Arbitri non comprehendendi, dicitur in L. *Pomponius* 9. *recepisse*, ff. de *receptis*, qui arbitrium; & notat Bartol. ibi: *Arbiter est*, inquit, *qui inter partes Judicis officium assumit*; non, *qui amicabiliter componit*.

ARTI-